

**რატომ და როგორ უნდა
დაუჭიროს მხარი
ადგილობრივმა
თვითმმართველობამ
სოციალურ ინოვაციებს**



**სოციალური
ინოვაციები**



**რატომ და როგორ უნდა დაუჭიროს მხარი
ადგილობრივმა თვითმმართველობამ
სოციალურ ინოვაციებს**



**სოციალური
ინოვაციები**



რა არის სოციალური ინოვაცია

სოციალური ინოვაციის ტერმინის ჩამოყალიბება ჯერ კიდევ მე-20 საუკუნის დასაწყისში რეფორმატორებისა და სოციალური აქტივისტების მიერ დაიწყო, რომლებიც სიღარიბის აღმოფხვრის, უთანასწორობის შემცირების, ჯანდაცვის სისტემების გაუმჯობესებისა და სხვა სოციალურ საკითხებზე მუშაობდნენ. სოციალური ინოვაციის კონცეფცია ჩამოყალიბდა მე-20 საუკუნის ბოლოს და გამოიცადა საჯარო მართვის სხვადასხვა სექტორში. დღეს სოციალური ინოვაციები ხშირად გამოიყენება მთავრობების, ბიზნესებისა და სამოქალაქო საზოგადოების ორგანიზაციების მიერ, როგორც ერთ-ერთი ინსტრუმენტი კომპლექსური სოციალური საკითხების მოსაგვარებლად. COVID-19 პანდემიამ განსაკუთრებით გაამძაფრა არსებული სოციალური პრობლემები და მეტად გაზარდა სოციალური ინოვაციების საჭიროება. ამ ფონზე მთავრობებმა და ორგანიზაციებმა უკეთ გააცნობიერეს სოციალური ინოვაციების ეფექტიანობა თემში არსებული პრობლემების მოსაგვარებლად.

სოციალური ინოვაციის ტერმინი აქტიურად განიხილება აკადემიურ დისციპლინებში. ლიტერატურაში სოციალური ინოვაცია გვხვდება, როგორც „...ინოვაციური აქტივობები და სეხვისები, რომელთა მიზანია სოციალური მოთხოვნილების დაკმაყოფილება და რომლებიც ძიხითადაც იქმნება და ხოციედეება ისეთი ორგანიზაციების მეშვეობით, რომელთა ძიხითადი მიზნები სოციალურია“ (Mulgan et al., 2007). ეს არის პროცესი, რომელიც მიზნად ისახავს მიაღწიოს „...ადამიანური მოთხოვნილებების დაკმაყოფილებას სოციალური უხთიეხთობების გიანსფოხმაციის გზით“ (MacCallum et al., 2009). ავტორი ტრანსფორამციაში მოიარებს, ერთი მხრივ, არსებული მმართველობითი სისტემების გაუმჯობესებას იმგვარად რომ ისინი მოქალაქეებს სთავაზობდნენ მათ საჭიროებებზე მეტად მორგებულ სერვისებსა თუ პროდუქტებს, ხოლო, მეორე მხრივ, სოციალური ურთიერთობების საერთოდ ახალი სისტემებისა თუ ინოვაციური იდეების ჩამოყალიბებას. ინოვაციის ასეთი ფორმები შეიძლება იყოს „...ახალი იდეები (პროდუქტები, სეხვისები და მოდელები), რომლებიც ეხთეხოდ აკმაყოფიებენ სოციალურ საჭიროებებს (უფხო ეფექტუხად, ვიდეე ახსებული ადგეხნაციები) და ქმნიან ახალ სოციალურ უხთიეხთობებსა და მეგ შეჭიდელობას. სხვა სიგყვებით ხომ ვთქვათ, ეს ახის ინოვაციები, რომლებიც ახა მხოლოდ სასახგებდროა საზოგადოებისთვის, ახამედ ზხდის საზოგადოების მოქმედების შესაძლებლობებს“ (BEPA Bureau of European Policy Advisers., 2010).

სოციალური ინოვაციების კონცეფცია დროთა განმავლობაში მეტად განვითარდა სხვადასხვა მოძრაობისა თუ ორგანიზაციის ძალისხმევით, რომლებიც ცდილობდნენ ეპოვათ კრეატიული გადაწყვეტები სოციალური გამოწვევების საპასუხოდ. დღეს სოციალური ინოვაციები წარმოადგენს მნიშვნელოვან გზას რთული სოციალური პრობლემების მოსაგვარებლად და უფრო ძლიერი და მდგრადი თემების შესაქმნელად.

სოციალური ინოვაციის განმარტება ადგილობრივი თვითმმართველობის კონტექსტში

სოციალური ინოვაცია ადგილობრივი თვითმმართველობის კონტექსტში გულისხმობს **მრავალდონიანი (1), მრავალაქტორიანი (2) და მრავალსექტორიანი (3)** ადგილობრივი მმართველობის სისტემის შექმნას. მრავალდონიანი სისტემა მოიაზრებს თანამშრომლობასა და პარტნიორობას დაინტერესებულ მხარეებს შორის სხვადასხვა დონეზე, როგორცაა ეროვნული, რეგიონული თუ ადგილობრივი დონე, რათა უზრუნველყოს პოლიტიკებისა და ინიციატივების შესაბამისობა და კოორდინაცია საერთო მიზნების მისაღწევად. სოციალური ინოვაციის მრავალაქტორიანი განზომილება მოიცავს სხვადასხვა აქტორების ჩართულობას, როგორცაა მთავრობა, სამოქალაქო საზოგადოების ორგანიზაციები, კერძო სექტორი, მოქალაქეები და ქმნის ინკლუზიურ და მრავალფეროვან მმართველობის სისტემას, რომელიც ხელს უწყობს სხვადასხვა ადგილობრივი საჭიროებებისა და გამოწვევების უკეთ იდენტიფიცირებასა და დაძლევას. ამგვარი მიდგომა გულისხმობს გადანყვეტილების მიღების ტრადიციული მოდელიდან - „ზემოდან ქვემოთ“ მეტად მონაწილეობრივ მეთოდზე გადასვლას, რომელიც ახალისებს მოქალაქეებს თავად გახდნენ ცვლილებების აგენტები მათ საზოგადოებაში. სხვადასხვა სექტორებს შორის თანამშრომლობა კი უზრუნველყოფს ჰოლისტურ და ინტეგრირებულ მიდგომას, რომელიც ხელს უწყობს სოციალური ინოვაციების სარგებლის გავრცელებას ადგილობრივი მმართველობის სხვადასხვა სფეროში.

ადგილობრივი თვითმმართველობის კონტექსტში სოციალური ინოვაცია დიდწილად მოიაზრებს ისეთი გარემოს შექმნას, სადაც სოციალური ინოვაციები შეიძლება ჩამოყალიბდეს და განვითარდეს. მათ შორის, გაიხსნას შესაძლებლობები სხვადასხვა არა-საჯარო აქტორებისთვის და თავად ჰქონდეთ აქტიური როლი განსაკუთრებით ისეთ სფეროებში, სადაც მუნიციპალიტეტებს არ შეუძლიათ ეფექტიანად ფუნქციონირება მწირი ფინანსური, ადამიანური რესურსებისა თუ სხვა შეზღუდულობების გათვალისწინებით.

საერთო ჯამში, სოციალური ინოვაცია ეს არის ახალი მიდგომებისა თუ გადანყვეტილების მიგნება, რომლებიც აუმჯობესებს **საჯარო სერვისების მიწოდებას**, ზრდის **მოქალაქეთა მონაწილეობასა და სხვადასხვა დაინტერესებული მხარის ჩართულობას**, ხელს უწყობს **მდგრად ადგილობრივ განვითარებას** და სხვა.

რატომ უნდა დაუჭიროს ადგილობრივმა თვითმმართველობამ მხარი სოციალურ ინოვაციას?

ადგილობრივი თვითმმართველობა მოქალაქეებისთვის საჯარო სერვისების მიმწოდებელი ერთ-ერთი ძირითადი ორგანოა. „ადგილობრივი თვითმმართველობის შესახებ“ საქართველოს ორგანული კანონის მე-16 მუხლის თანახმად ადგილობრივი თვითმმართველობის შესაბამისი ორგანო (მერია) ვალდებულია მის მოსახლეობას მიაწოდოს სხვადასხვა ტიპის სერვისები, რომლებიც ასახულია მათ საკუთარ უფლებამოსილებებში და პირობითად შესაძლებელია დაჯგუფდეს თემატური სფეროების მიხედვით:

- ▶ **საგანმანათლებლო სფერო, კულტურა და სპორტი:** სკოლამდელი დაწესებულებების (ბაგა-ბაღები, საბავშვო ბაღები) მართვა; ტექნიკური და სპეციალიზებული განათლების, კვალიფიკაციის ამაღლებისა და გადამზადების უზრუნველყოფა; მუნიციპალური მნიშვნელობის თეატრების, მუზეუმების, ბიბლიოთეკების მართვა; სპორტული მოედნებისა და საზოგადოებრივი გართობის ცენტრების მოწყობა; კულტურული თუ სპორტული აქტივობების მხარდაჭერი პროგრამების განხორციელება და სხვა;

- ▶ **სოციალური და ჯანმრთელობის დაცვა:** სოციალური საფრთხის წინაშე მყოფი ჯგუფების (სოციალურად დაუცველი, შშმ პირი, ობოლი არასრულწლოვანი, ხანდაზმული, მარტოხელა მშობელი, ნარკოტიკზე, ალკოჰოლზე ან/და აზარტულ თამაშობაზე დამოკიდებული პირი და სხვა მოწყვლადი ჯგუფები) მხარდამჭერი სერვისების შეთავაზება. საზოგადოებრივი ჯანდაცვის (პრევენცია, პროფილაქტიკა, ზრუნვა, რეაბილიტაცია) სერვისების შეთავაზება, ადგილობრივი მნიშვნელობის საავადმყოფოების ორგანიზება) და სხვა.
- ▶ **კომუნალური სერვისების მიწოდება:** წყალმომარაგებისა და წყალარინების უზრუნველყოფა, ელექტრომომარაგება, ადგილობრივი მნიშვნელობის კავშირგაბმულობა; ადგილობრივი მნიშვნელობის გზების მშენებლობა, შეკეთება; საზოგადოებრივი ტრანსპორტის ორგანიზება და რეგულირება; გარეგანათება; ნარჩენების მართვა; დასუფთავების უზრუნველყოფა; ბუნების დაცვის ადგილობრივი ღონისძიებები, სასაფლაოების მოვლა-პატრონობა; ადგილობრივი მნიშვნელობის ბუნებრივი რესურსების მართვა,
- ▶ **ადმინისტრაციული სერვისები:** ნებართვები, ლიცენზირება და სხვადასხვა სახის უფლებების გაცემა და სხვა.

ყველა ამ უფლებამოსილებას ადგილობრივი თვითმმართველობის შესაბამისი ორგანოები, მათ შორის მათ მიერ რეგისტრირებული არასემწარმეო არაკომერციული იურიდიული პირები (ააიპ) და საჯარო სამართლის იურიდიული პირები (სსიპ) ახორციელებენ სხვადასხვა მუნიციპალური სერვისების სახით. შეზღუდული რესურსების გათვალისწინებით, რთულია მოსახლეობისთვის მაღალი ხარისხის სერვისების მიწოდება, რაც, თავის მხრივ, აისახება მოქალაქეთა კეთილდღეობაზე. გარდა ამისა, თვითმმართველობის მიერ მიწოდებული სერვისების ხარისხი დიდწილად განაპირობებს მოსახლეობის ადგილობრივი თვითმმართველობებისადმი განწყობებსა და დამოკიდებულებებს. გაეროს განვითარების პროგრამის დაკვეთით შემუშავებული საზოგადოებრივი მომსახურებებით საქართველოს მოსახლეობის კმაყოფილების ბოლო კვლევის მიხედვით, 2019 წელთან შედარებით 2021 წელს ადგილობრივი თვითმმართველობის ორგანოების (საკრებულო/მერია) მუშაობით მოსახლეობის კმაყოფილების მაჩვენებელი 5%-ით შემცირებულია და 48,5%-ს შეადგენს. ამავე კვლევით, როგორც საკრებულოს/მერიის, ისე სოფლად მერის წარმომადგენლის მუშაობით უკმაყოფილების შემდეგი ორი ძირითადი მიზეზი გამოიკვეთა: ა) არ ხდება მოსახლეობის საჭიროებების გათვალისწინება; ბ) არ აქვთ კონტაქტი ადგილობრივ მოსახლეობასთან. პარალელურად, 9,5%-ით შემცირებულია იმ ადამიანთა რიცხვიც, ვინც ენდობა ადგილობრივი თვითმმართველობის ორგანოებს. უნდობლობის ძირითად მიზეზებს შორისაა გადაუჭრელი პრობლემები, სერვისების მიღებაზე უარი, ანგარიშვალდებულების ნაკლებობა, თანამშრომელთა კვალიფიკაცია და სხვა.

პარალელურად ამისა, საქართველოს მუნიციპალიტეტების გამჭვირვალობისა და ანგარიშვალდებულების, ბოლო - 2021 წლის, ეროვნული შეფასების შედეგების მიხედვით, შეფასების 100%-იან სკალაზე მუნიციპალიტეტების გამჭვირვალობისა და ანგარიშვალდებულების საშუალო შედეგი კვლავინდებურად დაბალია და 28%-ს უტოლდება. კვლევის შედეგები ასევე მიუთითებს, რომ მოქალაქეთა მონაწილეობა და ანგარიშვალდებულების მაჩვენებელიც ქვედა კრიტიკულ ზღვარზეა და 23%-ს შეადგენს. მეტიც 2019 წელთან შედარებით ის მნიშვნელოვნად, 6%-ით, არის შემცირებული.

სოციალური ინოვაციების მხარდაჭერა, გარდა იმისა რომ ის აუმჯობესებს მოქალაქეთა კეთილდღეობას, საუკეთესო გზაა ზემოთ აღნიშნული გამოწვევების საპასუხოდ. ის მნიშვნელოვან როლს ასრულებს ისეთი საზოგადოებრივი პრობლემების გადაწყვეტაში, რომელთა მოგვარება ტრადიციული მეთოდებით რთულია, ზრდის მოქალაქეთა ჩართულობას და იმუშავებს მეტად საჭიროებებზე მორგებულ ალტერნატივებს, ზრდის ადგილობრივი თვითმმართველობის ანგარიშვალდებულებისა და გამჭვირვალობის ხარისხს და ხელს უწყობს მათ მიმართ მოსახლეობის ნდობის გამყარებას.

შეჯამების სახით, თუ რატომ არის სოციალური ინოვაციების მხარდაჭერა მნიშვნელოვანი ადგილობრივი თვითმმართველობისთვის:

- ▶ **მზარდი სოციალური გამოწვევების მოგვარება:** სოციალური ინოვაცია შეიძლება დაეხმაროს ადგილობრივ თვითმმართველობებს უპასუხონ ისეთ სოციალურ საკითხებს, რომლებიც ადეკვატურად არ არის მოგვარებული არსებული პოლიტიკით ან სერვისებით. ეს საკითხები შეიძლება მოიცავდეს სოციალურ უთანასწორობას, უმუშევრობას, კლიმატის ცვლილებას, ურბანიზაციას და ა.შ.

მაგალითი: ბედგიის ქადაქ ანგვეიპენში 2020 წლის მონაცემებით ახადგაზღვების უმუშევრობის მაჩვენებელი 25.2%-ს მიაღწია, მაშინ როდესაც ფდამანდისიის ჰეგიონში უმუშევრობის საშუალო მაჩვენებელი 17.7% იყო. პიობდემის საპასუხოდ შეიქმნა ახადგაზღვების კომპეტენციების ცენტრი (YCC), სადაც ახადგაზღვ მუშაკები და კონსულტანტები ეხმარებიან ახადგაზღვებს პიოფესიული უნახების განვითახებასა და დასაქმებაში. შედეგად, ცენტრის ბენეფიციარების 60%-მა იპოვა დასაქმების ან/და უნახების განვითახებისა და სწავლების შესაძლებლობები. მათ შორის 19%-მა იპოვა მუდმივი სამსახური, ძიხითადად დოჯისტიკუი სექტოხში.

- ▶ **საჯარო სერვისების გაუმჯობესება:** სოციალური ინოვაციები ხელს უწყობს ადგილობრივ ხელისუფლებას გააუმჯობესოს საჯარო სერვისები მომსახურების მიწოდების ახალი გზების დანერგვით, რომელიც უფრო ეფექტური, ეფექტიანი და მომხმარებლისთვის მოსახერხებელია. მაგალითად, ახალი ტექნოლოგიის გამოყენებამ საჯარო სერვისების მიწოდებაში შეიძლება სერვისები უფრო ხელმისაწვდომი და მომხმარებელზე მორგებული გახადოს. ეს ეხება როგორც სოციალურ სერვისებს, ისე განათლების, კომუნალურ და ინფრასტრუქტურულ სერვისებს და სხვა.

მაგალითი: ჰუმინეთში 1.3 მილიონი ადამიანის აქვს იშვიათი დაავადებები, რომელთა დიაგნოსტიკა და ადეკვატუი მკუხნადობა ვეი ხეხდება. ჯანდაცვის სისტემა ვეი პასუხობს მათ საჭიროებებს ეხთი მხიივ, პაციენტების მციხე და გაფანტული პოპულაციის, ხოლო, მეოხე მხიივ, ექიმების მწიხი ცოდნისა და დიაგნოსტიკუი ცენტხების სიმციხის გამო. ევხიპის ეკონომიკუი სივხცის (EEA) და ნოხვეგიის მთავრობის გხანგის მხახდაჭეხით ჰუმინეთის ჯანდაცვის სამინისტომ ჰევიონუდ და ადგილობრივ ხელისუფლებებთან ეხთად 2011 წელს დააფუძნა იშვიათი დაავადებების მიმახთვის ცენტრი (NoRo). ცენტრი ეხთი ფანჯის პიინციპით (one-stop-shop) ადამიანებს სთავზობს კომბინხებუდ სეხვისებს, რომელიც მოიცავს სამედიცინო, სოციალუი და საგანმანათლებლო მომსახურებებს პაციენტებისა და მათი ოჯახებისთვის. ამ დიონისთვის ცენტრი ქვეყნის მასშტაბით პაციენტების 10%-ს სთავზობს სეხვისებს. ბოლო 6 წელიწადში მათ 2 200-ზე მეტი კონსულტაცია გასწიეს. 2015 წლიდან დღემდე კი 900-ზე მეტმა პაციენტმა მიიღო ცენტრის დამატებითი სეხვისები მხახდამჭეხთა ჯგუფების ღონისძიებები, საზაფხულო ბანაკები, თეხაპიული პიოგხამები და სხვა.

- ▶ **ეკონომიკური ზრდის სტიმულირება:** სოციალურ ინოვაციებს შეუძლიათ შექმნან ახალი იდეები, პროდუქტები და სერვისები, რომლებსაც მოაქვს ეკონომიკური ზრდა და ახალი სამუშაო ადგილები ადგილობრივ თემებში. ამან, თავის მხრივ, შეიძლება ხელი შეუწყოს მენარმეობას და გაზარდოს ადგილობრივი ხელისუფლების შემოსავლები.

მაგალითი: მიუხედავად იმისა, რომ საფხანგენტში შეზღუდული შესაძლებლობების მქონე პიხების ჯანმთედრობის მხახდასაჭეხად საკმაოდ დიდი თანხებია გამოყოფილი (13.5 მილიახდი 2005 წლიდან) სამედიცინო აღჭუხვილობისთვის მწიხი თანხებია დათმობილი (1.4 მილიახდი). გახდა იმისა, რომ ეს თანხა ახ ახის საკმახისი, პეხიოდუდად დიდი ოდენობით სამედიცინო პიოდუქცია ზიანდება და იყიება ნაგავში. ენვი ნეთვოხქმა, რომელიც აეხთიანებს სოციალუი ინკლუზიის მხახდამჭეხი 50 კომპანიას, დაიწყო დაზიანებუდი, ან გამოუყენებედი სამედიცინო აღჭუხვილობის მოგხოვება და ჰემონტი. ნეთვოხქი ამ აღჭუხვილობას აეხიავებს ან ყიდის 50%-70%-ით ნაკლებ ფასად საჭიროების მქონე პიხებზე. ნეთვოხქის ამ ციხკუდახუდი ეკონომიკის მოდელმა ხელი შეუწყო ეკონომიკის სტიმულირებას, გაზაჰდა დასაქმება და აღჭუხვილობის

გადამუშავებით შეამცია გახელოსდაცვითი ნეგატიუხი ეფექტები. 2015 წლიდან ნეთოჰქს ჰყავს 50 სხუდ შტაგზე მომუშავე ადამიანი და 2 450-ზე მეტი დოგებითი დასაქმებული. მათ მოაგხოვეს 14 000-ზე მეტი სამედიცინო აღჭუჰვილობა და მიაწოდეს ის 2 200 ადამიანზე მეტს.

- ▶ **დაინტერესებულ მხარეებთან თანამშრომლობა:** სოციალური ინოვაცია ხელს უწყობს ადგილობრივ ხელისუფლებას, მოქალაქეებს, ბიზნესს და სხვა დაინტერესებულ მხარეებს შორის თანამშრომლობას სოციალური გამოწვევების იდენტიფიცირებისა და გადაჭრის მიზნით. თანამშრომლობა ზრდის ჩართულობას და ინოვაციურ იდეებს, რაც იწვევს ინოვაციური გადაწყვეტილებების შემუშავებას, რომელიც აკმაყოფილებს ყველა დაინტერესებულ მხარის საჭიროებებს.
- ▶ **რესურსების ეფექტიანობის ამაღლება:** სოციალური ინოვაცია შეიძლება დაეხმაროს ადგილობრივ ხელისუფლებას, უფრო ეფექტიანად გამოიყენონ სოციალური პროგრამებისა და სერვისებისთვის ხელმისაწვდომი რესურსები. ინოვაციურ გადაწყვეტებს, რომლებიც იყენებენ ტექნოლოგიებსა და საზოგადოების რესურსებს, შეუძლიათ ადგილობრივ მთავრობებს დაეხმარონ სერვისების უფრო ეკონომიურად მიწოდებაში.
- ▶ **საზოგადოების მდგრადობის ხელშეწყობა:** სოციალურ ინოვაციას შეუძლია დაეხმაროს ადგილობრივ მთავრობებს, ხელი შეუწყოს საზოგადოების მდგრადობას საზოგადოებაზე დაფუძნებული გადაწყვეტილებების შემუშავების გზით, რომელიც იქნება მდგრადი, ინკლუზიური და უპასუხებს ადგილობრივ საჭიროებებს. ეს მიდგომა შეიძლება დაეხმაროს თემებს სოციალური პრობლემების ძირეული მიზეზების გადაჭრაში, რაც გამოიწვევს გრძელვადიან პოზიტიურ ეფექტებს.

ამდენად, სოციალური ინოვაციები მნიშვნელოვანია ადგილობრივი თვითმმართველობისთვის, რამდენადაც ის მეტად ეფექტურად პასუხობს სოციალურ საჭიროებებს, აუმჯობესებს სერვისებს, აძლიერებს რესურსების ეფექტიანობას, ამაღლებს საზოგადოების მდგრადობას და ხელს უწყობს თანამშრომლობას სხვადასხვა აქტორებს შორის.

როგორ უნდა დაუჭიროს მხარი სოციალურ ინოვაციებს ადგილობრივმა თვითმმართველობამ?

როგორც ცენტრალური, ასევე ადგილობრივი მთავრობების როლი მუდმივად მზარდია სოციალური ინოვაციების განვითარებაში. ქვემოთ მოტანილია რამდენიმე ინსტრუმენტი თუ როგორ შეუძლიათ ადგილობრივ თვითმმართველობებს სოციალური ინოვაციების მხადრაჭრა:

- ▶ **დაფინანსება:** უზრუნველყოს დაფინანსება და გრანტები სოციალურ ინოვატორებისა და ორგანიზაციებისთვის მათი პროექტებისა და ინიციატივების მხადრაჭრად. ხშირ შემთხვევაში ეს დაფინანსება არ არის დაკავშირებული კოლოსალურ ხარჯებთან და მისი ეფექტი გრძელვადიან პერსპექტივაში გაცილებით აღემატება დანახარჯებს
- ▶ **ინკუბატორები და აქსელერატორები:** შექმნას ინკუბატორები და აქსელერატორები, რომლებიც უზრუნველყოფენ მენტორობას, რესურსებს და ქსელის სხვადასხვა შესაძლებლობებს სოციალური ინოვატორებისა და მენარმეებისთვის
- ▶ **პოლიტიკა და მარეგულირებელი მხადრაჭრა:** შეიმუშაოს პოლიტიკა და რეგულაციები, რომლებიც მხარს უჭერენ და წაახალისებენ სოციალურ ინოვაციებს. ასეთი შეიძლება იყოს სოციალური საწარმოებისთვის საგადასახადო შეღავათების შემოღება, ადგილობრივი კანონმდებლობით სოციალური საწარმოებისგან პროდუქტის/მომსახურების პრიორიტეტული შესყიდვის ან კვოტირების

საკითხის განსაზღვრა ან/და სოციალური ზემოქმედების გაზომვის სტანდარტების დაწესება და სხვა. მაგალითად, ლატვიაში, ადგილობრივ ხელისუფლება უფლებამოსილია სოციალური საწარმოები გაათავისუფლოს უძრავი ქონების გადასახადისგან, რომელიც ადგილობრივ გადასახადს წარმოადგენს. ჰოლანდიაში ისინი სარგებლობენ საშემოსავლო გადასახადის შეღავათებით და სხვა.

- ▶ **საჯარო და კერძო პარტნიორობა:** ითანამშრომლოს კერძო სექტორის კომპანიებთან სოციალური ინოვაციების ინიციატივების მხარდასაჭერად და სოციალური პრობლემების ინოვაციური გადაწყვეტილებების შესაქმნელად
- ▶ **თანამშრომლობის ხელშეწყობა:** სხვადასხვა პლატფორმების შეთავაზების გზით, ხელი შეუწყოს სოციალურ ინოვაციებს, ბიზნესებსა და აკადემიურ ინსტიტუტებს შორის თანამშრომლობას სოციალური გამოწვევებისთვის ინოვაციური გადაწყვეტილებების შემუშავების მიზნით
- ▶ **განათლება და ინფორმირებულობა:** განახორციელოს საგანმანათლებლო და ცნობიერების ამაღლების კამპანიები სოციალური ინოვაციების მნიშვნელობასა და მოქალაქეთა ჩართულობის შესახებ

მზრუნველი (CAREMATE) - ხელმისაწვდომი შინმოვლის სერვისი ყველასთვის

ესტონეთი

პრობლემა

მოსახლეობის დაბერება, მსგავსად ზოგადი ევროპული ტრენდისა, გამოწვევაა ესტონეთისთვისაც. 65 წელს ზემოთ მყოფმა მოქალაქეთა რიცხვმა მთლიანი მოსახლეობის 20%-ს მიაღწია. შესაბამისად გაიზარდა ჯანმრთელობისა და ზრუნვის სერვისების საჭიროება. ტრადიციულად ამ ტიპის სერვისებს ესტონეთში ადგილობრივი თვითმმართველობა ახორციელებს. შეზღუდული რესურსების პირობებში, მოსახლეობის სულ უფრო დიდ ნაწილი ნუხს, რომ არ არის ხელმისაწვდომი მაღალი ხარისხის სერვისების მიღება. მხოლოდ 2016 წელს, ესტონეთის მოსახლეობის 40% აღნიშნავდა, რომ შინმოვლის სერვისები არ იყო მორგებული მათ საჭიროებებს.

ინოვაციური გადაწყვეტა

CareMate არის ინოვაციური გადაწყვეტა ერთი მხრივ უპასუხოს შინმოვლის სერვისებზე არსებულ მოთხოვნას და მიაწოდოს საჭიროებებზე მორგებული სერვისები, ხოლო მეორე მხრივ დაეხმაროს ადგილობრივ თვითმმართველობას იყოს მეტად ეფექტური მისი საქმიანობის განხორციელებისას.

CareMate ინოვაციური ონლაინ პლატფორმაა, რომელიც ორივე მხარს - როგორც ზრუნვის მიმღებს ასევე სერვისის მიმწოდებელს - პირდაპირ დაკავშირების საშუალებას აძლევს, მესამე მხარის ჩართულობის გარეშე. ის 2017 წელს დაფუძნდა, როგორც სოციალური საწარმო და მას შემდეგ წარმატებით ფუნქციონირებს ტალინსა და ტარტუში. პლატფორმაზე ხელმისაწვდომია 5 ტიპის მომსახურება:

- ▶ პერსონალური მოვლა (Personal care)
- ▶ შინმოვლა (Homeware)
- ▶ საგარეო საქმიანობებში დამხმარება (Outdoor assistance)
- ▶ ბავშვების მოვლა (Care for Kids)
- ▶ დამატებითი სერვისები (Additional services)



ეს მომსახურებები მოიცავს, საჭიროების მქონე პირის პერსონალური ასისტირების სერვისს, სახლის მოვლის მომსახურებასა (დალაგება, ეზოს მოვლა, რეცხვა და სხვა) და ბავშვებზე ზრუნვას (მათი სკოლაში/ბაღში წაყვანა, კვება, მონესრიგება და სხვა). დამატებით სერვისებად ასევე შეთავაზებულია 12 საათიანი ზრუნვის მომსახურება, ფსიქოთერაპია, მასაჟი, სალონური მომსახურებები და სხვა. პლატფორმის საშუალებით მომხმარებელი თავად ირჩევს სერვისის ტიპს, ხანგრძლივობას და ხელმისაწვდომ მზრუნველს მისი ლოკაციის მიხედვით. შესაბამისად, ისინი იღებენ საჭირო სერვისს ძალიან სწრაფად და შედარებით დაბალ ფასად.

© CareMate

სერვისის დაბალ ფასს ერთი მხრივ განაპირობებს ის, რომ მზრუნველები ახლოს ცხოვრობენ მომხმარებლებთან, შესაბამისად არ სჭირდებათ დიდი დრო და რესურსები ადგილზე ტრანსპორტირებისთვის, ამასთანავე ისინი თავადვე უთითებენ პლატფორმაზე მათთვის მისაღებ სამუშაო პერიოდს დღის მანძილზე, რაც მათ დამატებით სხვა საქმიანობის შეთავსების საშუალებას აძლევთ. მეორე მხრივ ესტონეთის საკანონმდებლო ჩარჩო ინდივიდუალურ პირებს, რომლებიც მზრუნველებად არიან რეგისტრირებულნი პლატფორმაზე, საშუალებას აძლევს გახსნან ე.წ მენარმის ანგარიში (entrepreneur account) და გადაიხადონ შედარებით ნაკლები გადასახადი. გარდა ამისა, ზოგი მარტივი სამედიცინო მომსახურების გასაწევად ესტონეთში არ მოითხოვება სამედიცინო განათლება და გამოცდილება, რაც ასევე მეტ მოქნილობას მატებს პლატფორმას.

ყველა მზრუნველი გადის ტრენინგებს, რომელსაც თავად პლატფორმა სთავაზობს. ეს ტრენინგ კურსები ასევე ხელმისაწვდომია საჭიროების მქონე ადამიანების ოჯახის წევრებისთვისაც.

ძირითადი მიღწევები და სარგებელი

პლატფორმის ამოქმედებიდან პირველივე წელს 500-ზე მეტი ადამიანი დარეგისტრირდა ზრუნვის სხვადასხვა სერვისის მისაღებად. მათგან 200-ზე მეტმა მომხმარებელმა რამდენიმეჯერ ისარგებლა სხვადასხვა სერვისით. ამჟამად, 500ზე მეტმა მზრუნველმა გაიარა პლატფორმის მიერ ორგანიზებული ტრენინგები და გასწია მომსახურებები. მომხმარებლების კმაყოფილების მაღალი მაჩვენებელი უთითებს, რომ პლატფორმა წარმატებით მუშაობს და მისი შემქმნელები გეგმავენ მომსახურების გაფართოებას ესტონეთის სხვადასხვა ქალაქებში.

პლატფორმის საქმიანობით სარგებელს იღებს ადგილობრივი თვითმმართველობაც, რამდენადაც CareMate-ის პლატფორმა უზრუნველყოფს ადგილობრივი მოსახლეობის სოციალური საჭიროებების დაკმაყოფილებას.

მდგრადობა და თანამშრომლობა ადგილობრივ თვითმმართველობასთან

2020 წელს პლატფორმამ მიიღო დაფინანსება ევროპის სოციალური ფონდიდან (ESF) 185 000 ევროს ოდენობით, პლატფორმის განვითარების მიზნით.

პლატფორმას აქტიურად უჭერს მხარს ტალინის ადგილობრივი თვითმმართველობა. 2021 წელს CareMate-მა წარმატებით მიიღო მონაწილეობა ტალინის სოციალური და ჯანდაცვის საბჭოს საპილოტე პროექტში, სადაც მათი 60 მზრუნველი წავიდა ქალაქში მცხოვრები ოჯახების დასახმარებლად.

2022 წელს ტალინის თვითმმართველობამ გააფრომა შესყიდვის 3-წლიანი კონტრაქტი CareMate-თან, რითაც შეამცირა ხარჯები, რომლებსაც თავად სწევდა სერვისის მისაწოდებლად. კონტრაქტის თანახმად, CareMate-ის მეშვეობით საჭიროების მქონე მოქალაქეები სრულიად უფასოდ მიიღებენ სერვისებს. სერვისის ბენეფიციარია ტალინში რეგისტრირებული მაღალი საჭიროების მქონე ზრდასრული პირი, რომელსაც ჯანმრთელობის მდგომარეობის, შრომისუნარიანობის ან საცხოვრებელი გარემოდან გამომდინარე, სჭირდება მომვლელის დახმარება, თანადგომა ან ხელმძღვანელობა ყოველდღიურად საკუთარ თავზე ზრუნვაში. ქალაქის მიერ გადახდილი მომსახურების მისაღებად, საჭიროა მოქალაქეები ერთჯერადად დაუკავშირდნენ იმ რაიონის სოციალური დაცვის განყოფილებას, სადაც ცხოვრობენ, მოახდინონ მათთვის საჭირო სერვისების იდენტიფიცირება, ხოლო მომსახურების მიმწოდებელი განსაზღვრავს საჭირო დეტალებს დახმარების განწვეისა და მოვლის გეგმის შესაქმნელად. ამის შედეგად, კი პირს შეუძლია სერვისის შეკვეთა პირდაპირ CareMate პლატფორმიდან განახორციელოს.

გამოყენებული ლიტერატურა

BEPA Bureau of European Policy Advisers. (2010). *Empowering people, driving change Social Innovation in the European Union*. Retrieved from:

https://ec.europa.eu/archives/bepa/pdf/publications_pdf/social_innovation.pdf

Biljohn, M. (2018). *Social innovation and service delivery by local government: a comparative perspective* (Doctoral thesis). Retrieved from:

<https://scholar.ufs.ac.za/handle/11660/8544>

Chin, V. Mees, H. (2021). *The rising stars of social innovations: How do local governments facilitate citizen initiatives to thrive? The case of waste management in Brussels and Hong Kong*. Retrieved from:

<https://onlinelibrary.wiley.com/doi/epdf/10.1002/eet.1953>

CareMate. <https://caremate.ee/>

Danish Technological Institute. (2013). *Social innovation in Local Government - Experiences from Denmark*.

European Commission. (2020). *Social innovation: inspirational practices supporting people throughout their lives*.

GovPilot. *Six Keys to Local Government Innovation 2023*. Retrieved from:

<https://www.govpilot.com/blog/modern-local-government-innovation>

INNOVATE project. (2014). *Social Innovation Policy Toolkit*. Retrieved from:

<https://civicspace.eu/wp-content/uploads/library/social-innovation-policy-toolkit-5d629b5c43d7e.pdf>

MacCallum et al., (2009). *Social Innovation and Territorial Development*.

Retrieved from: https://www.researchgate.net/publication/44960912_Social_Innovation_and_Territorial_Development

Mulgan et al., (2007). *Social innovation: What it is, Why it matters and How it can be accelerated*.

Retrieved from: https://www.researchgate.net/publication/277873357_Social_Innovation_What_It_Is_Why_It_Matters_and_How_It_Can_Be_Accelerated

PEALIN. (2022). *Tallinn alustab koostööd platvormiga CareMate omastehoolajate abistamiseks, et võimaldada neile aega iseendale*.

Available at: <https://pealinn.ee/2022/04/27/tallinn-alustab-omastehoolajate-abistamiseks-koostood-platvormiga-caremate/>

Social Innovation Community. *The role of local governments in social innovation*.

Retrieved from: <https://www.siceurope.eu/learning-portal/experimental-hubs/role-local-governments-social-innovation>

UNDP საქართველო. (2022). *საზოგადოებრივი მომსახურებებით საქართველოს მოსახლეობის კმაყოფილების კვლევა. ხელმისაწვდომია:*

<https://www.undp.org/ka/georgia/publications/citizen-satisfaction-survey>

LSG Index. (2022). *საქართველოს მუნიციპალიტეტების გამჭვიხვადობისა და ანგაზიშვადლებულების 2021 წლის ეხოვნული შეფასების ანგაზიში*.

ხელმისაწვდომია: <http://www.lsgindex.org/ge/outcome/view/3/>